



Projet promovût di 'La Vôs dai Furlans' e 'ARLeF'

Lu saveviso
che...?

MAMAN

la **VÔS** dai **FURLANS**

**Daria e Bete
nus insegnin...**



Bete i conte a Daria une robe pardabon interessante: no dome lis besteutis a van in letarc, ma ancje lis plantis!

Cjalìn insemi la pontade di *Maman!*
"I animâi che a van in letarc" su



Ai 5 di Dicembar e je la gnot di Sant Nicolau e, in tancj paîs dal Friûl, si pues viodilu lâ ator cul so mussut e dâ fûr regâi ai fruts. Chest sant al è rapresentât tant che un vescul vistît di ros e blanc, cu la mitrie e il pastorâl. Al è il patron dai fruts e dai scuclârs. In cualchi puest Sant Nicolau al è compagnât di agnui che a veglin su di lui e lu judin a dâ fûr i regâi, o ancje di cualchi krampus, o ben spirts dai boscs che a fasin dispiets a grancj e piçui.



Cumò fâs tu!

Sant Nicolau al è daûr a prontâ il so sac cui regâi di dâ fûr ai fruts. Cjale ben: trops pacuts rivistu a contâ? E trops dolçuts?



Dilu in plui lenghis!



REGÂL




GIFT



DONO

Pontut par pontut...e piture !



Pagine curade
dal Sportel Regionâl
pe Lenghe Furlane de

ARLeF
AGJENZIE
REGIONÂL
PE LENGHE
FURLANE

Vuelistu tornâ
a viodi lis pontadis
di Maman!? **Cirilis su**



ANCJE
'ON DEMAND'
SU **telefriuli**

**Cjale lis gnovis
pontadis su
telefriuli**

**Vinars aes 18.30
e in repliche domenie
aes 7.00 e aes 13.00**

STELIS E LUSIGNIS
Noa



Roc. Tu âs domandât a cualchidun une man, no stâ a crodi che dopo no vignedin a domandâti un plasê indaûr.



Taur. No tu âs avonde energjie par dutis lis robis che tu âs di frontâ, dopre ben lis tôs fuarcis.



Zimui. Tu tasis masse su lis robis che ti fasin tribulâ, invezit di vierziti di plui cun chei che ti stan dongje.



Gjambar. No tu sês convint di une sielte fate pôc timp indaûr, ma cambiâ cumò al è masse tart.



Leon. Ancje se il partner ti fâs mateâ cuntune sô passion, visiti che lu fâs par amôr.



Vergjine. Une cuistion ti somee une vore imberdeade e tal ultin al sarâ un parint a disberdeâl.



Balance. Sedi la vitorie sedi la disfate no son mai plenis, tu âs di acetâ cheste regule.



Sgarpion. Tu âs di cjapâ une decision impuartante, dopre dut il timp che tu âs a disposizion.



Sagjitari. Tu crodevis di rivâ a no pensâ a une persone e invezit tu te cjatis denant.



Bec di mont. Un ami si spiete un consei impuartant di te, ma no tu sês ancjemò rivât a capî dulâ indreçâl.



Agarûl. Tu âs voie di vê alc di impuartant, no stâ a lassâ che chei altris a sielzedin par te.



Pes. Chestis zornadis ti platin plui di une sorprese, soredut tai rapuarts cu lis personis.